



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola IX. Gregorii Papae IX. Ad Priorem Fratrvm Ordinis Praedicatorvm
In Lombardia. Praedicatores constituit executores suaे constitutionis
contra haereticos editae.

urn:nbn:de:hbz:466:1-15974

a communi conuersatione fidelium vita & moribus dissidentes, eos studeat indicare confessori suo, vel alii per quem credat ad prælati sui notitiam peruenire: alioquin excommunicationis sententia percellatur. Filii autem hæreticorum, receptatorum, & defensorum eorum, usque ad secundam generationem ad nullum ecclesiasticum officium seu beneficium admittantur: quod si secus actum fuerit, decernimus irritum & inane. Datum Viterbii vi. Idus Nouembris, pontificatus nostri anno ix.

EPISTOLA IX.

GREGORII PAPÆ IX.

AD PRIOREM FRATRVM ORDINIS PRÆDICATORVM
IN LOMBARDIA.

Prædicatores constituit executores suæ constitutionis contra hæreticos editæ.

Gregorius episcopus seruus seruorum Dei dilecto filio priori provinciali fratrum ordinis Prædicatorum in Lombardia salutem & apostolicam benedictionem.

ILLE humani generis periculax inimicus, omnium malorum incitor, quem de supremis ad ima superbia sua prostrauit, non contentus quod suæ fraudis nequitia hominem perduxit ad casum, ærumnis & miseriis applicandum, callide eum nititur pestiferis retibus irretire; astute sibi parans insidias ne resurgat, locum a quo ceciderat obtenturus. nouissime autem diebus istis, fidem nisus perfidia deprauare per ministros suos iniquitatis operarios, venena spargit mortifera; seditione considerans quod familiaris hostis sit efficax ad nocendum, qui quasi dulcia præmittentes, cauda pungunt ut scorpio, in aureo tandem calice Babylonis virus pestilentiae infusuri. Licet enim hæretici haec tenus diutius latitantes sicut cancer serpent in occulto, & velut vulpes latarentur vineam Domini sabaoth demoliri, iam tamen peccatis exigentibus, in aperto, quasi equi parati ad prælrium, præsumunt manifeste insurgere contra eam, in quibusdam locis publice prædicando, quærentes in cibum simplices, & in prædam indoctos, ac illaqueare nihilo minus fideles quoslibet suis circumventionibus cupientes, facti magi-

stri erroris qui nunquam fuerunt discipuli veritatis. Vnde expedit quod insurgant viriliter contra eos, vt, eorum omnino hæresi confutata, per totum vigeat fides Christi: nam corona sequetur præmii temptationibus resistentes. Cum igitur dudum resplenduerit in partibus Lombardiaæ fida fides, ac per hoc formidemus ibi potius animalia venenosa, ne forte simplices ipsorum callidis seductionibus circumuenti, & astuti praus circumuentionibus periculose decepti, in profundum deueniant peccatorum, sive que violetur ibidem fidei firmamentum, nos, qui circa horam vndecimam inter operarios, imo verius supra operarios vineæ Domini sumus a patre familias euangelico deputati, moniti voce sponsi capere vulpes paruulas, quæ demoliri vineam Domini moliuntur, & taeti dolore cordis intrinsecus, non valentes sustinere tantam contumeliam Creatoris, ac volentes tot animarum periculis obuiare, discretionem tuam rogamus, monemus & hortamur attente, per apostolica tibi scripta sub diuini obtestatione iudicii districte præcipiendo mandantes, quatenus aliquos de fratribus tuis tibi commissis, in lege Domini eruditos, quos ad hoc esse noueris idoneos, ad partes tibi secundum tuum ordinem limitatas transmittas, qui clero & populo conuocatis generalem prædicationem faciant, vbi commodius viderint expedire: & adiunctis sibi discretis aliquibus ad hæc sollicitius exequenda, diligenti perquirant solitudine de hæreticis & etiam infamatis, & si quos culpabiles vel infamatos repererint, nisi examinati velint absolute mandatis ecclesiæ obedire, procedant contra eos iuxta statuta nostra contra hæreticos nouiter promulgata; in receptatores, defensores & fautores hæreticorum secundum eadem statuta nihilo minus processuri. Si vero aliqui hæretica labe penitus abjurata ad ecclesiasticam redire voluerint vnitatem, ipsis iuxta formam ecclesiæ beneficium absolutionis impendant, & iniungant eis quod talibus consuevit iniungi. Attentius prouisuri, ne qui videntur reuerti, sub palliata specie pietatis impietatem committant, & angelus satanae in angelum lucis se transformet. Propter quod statuta, quæ super hoc duximus promulganda, inspicere poterunt, & ab eorum infidiis secundum discretionem eis

R r iij

traditam a Domino præcavere. Ad hæc, vt super præmis-
sis omnibus officium sibi commissum liberius possint &
efficacius exercere, omnibus qui ad prædicationem eo-
rum accesserint in singulis stationibus viginti dies, illis ve-
ro qui ad impugnandum hæreticos, fautores, recepta-
tores & defensores eorum in munitionibus & castellis,
vel alias contra ecclesiam rebellantes, ipsis ex animo au-
xilium, consilium præstiterint, vel fauorem, de omnipot-
entis Dei misericordia & beatorum Petri & Pauli a-
postolorum eius auctoritate confisi, tres annos de iniun-
cta sibi pœnitentia relaxamus. Et si qui ex his in prosecu-
tione huiusmodi negotii forte decesserint, eis omnium
peccatorum, de quibus corde contriti ac ore confessi
sunt, plenam veniam indulgemus. Ne vero aliquid fra-
tribus ipsis desit ad prædictum negotium prosequendum,
in contradictores & rebelles ecclesiasticam proferendi
censuram tenore præsentium liberam eis concedimus
facultatem. Prædicatores quoque quæstuarios, quorum
interest caritatua tantum subsidia simpliciter petere, ac
indulgentiam, si quam forsitan habent, exponere, a prædi-
cationis officio, quod ad ipsos nullatenus pertinet, com-
pescendi censura simili, eisdem nihilo minus licentiam
indulgemus.

Datum Viterbii decimotertio Kalendas Iunii, ponti-
ficatus nostri anno vndecimo.

EPISTOLA X.

GREGORII PAPÆ IX.

AD ARCHIEPISCOPVM BREMENSEM, &c.

De monasterio sanctæ Mariæ in Stadio.

*Gregorius episcopus seruus seruorum Dei venerabili fratri Bre-
meni archiepiscopo, & dilectis filiis decano & Ioanni Be-
uersak, canoniciis Bremensis, salutem & apostolicam bene-
ditionem.*

DESIDERIA deuotorum, in quibus fructus æternæ vi-
tæ contineri dignoscitur, eo promptioribus ad effe-
ctum per nos sunt deducenda studiis, quo super talibus
exequendis nobis inesse debet diligentia specialis. Hinc